



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-I/21-2-40-504-2/21**
Datum: **26.10.2021. god.**

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo podnesenom putem „Sektora za realizaciju investicionih projekata” za izdavanje vodne saglasnosti za čišćenje korita rijeke Spreče, na području tri MZ (MZ Miričina, MZ Donja Orahovica i MZ Donja Lohinja), Grad Gračanica, na osnovu člana 109. stav (1) tačka 14., a u vezi sa članom 81. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), **donosi**

RJEŠENJE **o vodnoj saglasnosti**

1. Investitoru «Agenciji za vodno područje rijeke Save» Sarajevo daje se vodna saglasnost za čišćenje korita rijeke Spreče na području tri mjesne zajednice (MZ Miričina, MZ Donja Orahovica i MZ Donja Lohinja), Grad Gračanica, po projektnoj dokumentaciji pod nazivom:
„Elaborat o obezbjeđenju proticajnog profila korita rijeke Spreče u mjesnim zajednicama: Miričina, Donja Orahovica i Donja Lohinja, Grad Gračanica”, urađena od strane „Spreča” d.d. Tuzla, mart 2021. godine.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za izvođenje radova.
3. Dostavljeni Elaborat je urađen u skladu sa osnovnim uslovima iz Rješenja za prethodnu vodnu saglasnost broj: UP-I/25-1-40-256-4/21 od 23.06.2021. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
 - 3.2. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.3. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa zemljanih radova, a za što je odgovoran izvođač radova i nadzorni organ imenovan od strane Investitora.
 - 3.4. Nosilac prava iz vodne saglasnosti dužan je u saradnji sa izvođačima radova i nadzornim organom prije početka radova riješiti način uklapanja (prelazne dionice) planirane nivelete korita (nakon čišćenja) u prirodno korito (uklapanje u prirodno korito uzvodno i nizvodno od razmatranih dionica).
 - 3.5. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.6. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.7. Iskopani materijal se ne smije ni odlagati na česticu «vodno dobro», odnosno u vodotok, na njegove obale i unutar linije dopiranja velikih voda.
 - 3.8. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.9. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
 - 3.10. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 3.11. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.12. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom čišćenja korita rijeke, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju korita rijeke Spreče na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Investitor (korisnik vodne saglasnosti) ostaje u obavezi, kada period izvođenja radova bude tačno preciziran, da najmanje sedam dana ranije obavijesti ESRD „Drijenča“ Gračanica, koje je korisnik ribolovnog prava na ovom ribolovnom području, o početku izvođenja radova u koritu rijeke Spreče na predmetnim dionicama.
7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju obala na predmetnim dionicama, potrebno je isti odložiti na deponiju izvan vodnog dobra, odnosno izvan linije dopiranja velikih voda, a sve u skladu sa uputama Investitora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji se može pojaviti prilikom predmetnog čišćenja korita rijeke Spreče, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
9. Korisnik vodne saglasnosti je u suradnji sa nadležnim organom gradske Uprave dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
10. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
11. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor, «Agencija za vodno područje rijeke Save» Sarajevo, putem "Sektora za realizaciju investicionih projekata" Agencije, je podnio zahtjev dana 22.10.2021. godine za izdavanje vodne saglasnosti za aktivnost čišćenja korita rijeke Spreče, na području tri mjesne zajednice (MZ Miričina, MZ Donja Orahovica i MZ Donja Lohinja), Grad Gračanica, u cilju poboljšanja uslova tečenja, po projektnoj dokumentaciji pod nazivom: „*Elaborat o obezbjeđenju proticajnog profila korita rijeke Spreče u mjesnim zajednicama: Miričina, Donja Orahovica i Donja Lohinja, Grad Gračanica*“, urađena od strane „Spreča“ d.d. Tuzla, mart 2021. godine.

Uz zahtjev za izdavanje vodne saglasnosti dostavljena je slijedeća dokumentacija:

- Kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu,
- Kopija obavještenja o razvrstavanju pravnog lica prema klasifikaciji djelatnosti, broj: 07-32.5-45391/12 od 11.12.2012. godine,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012 godine,

- Dopis broj: 06-21-sl-2021 od 09.08.2021. godine, Službe za prostorno uređenje, geodetske i imovinsko-pravne poslove, Grad Gračanica, kojim je dostavljeno mišljenje da predmetna aktivnost ne podliježe obavezi pribavljanja urbanističke saglasnosti,
- Saglasnost broj: 06-1/21 od 20.10.2021. godine, izdata od ESRD „Drijenča“ Gračanica,
- „Elaborat o obezbjeđenju proticajnog profila korita rijeke Spreče u mjesnim zajednicama: Miričina, Donja Orahovica i Donja Lohinja, Grad Gračanica“, urađena od strane „Spreča“ d.d. Tuzla, mart 2021. godine.

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije za predmetno uređenje korita rijeke Spreče angažirao projektnu kuću JP „Spreča“ d.d. Tuzla, koja je uradila „Elaborat o obezbjeđenju proticajnog profila korita rijeke Spreče u mjesnim zajednicama: Miričina, Donja Orahovica i Donja Lohinja, Grad Gračanica“, mart 2021. godine. Projektna kuća JP „Spreča“ d.d. Tuzla posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12);
- Da je od strane ove Agencije, rješenjem broj UP-I/25-1-40-256-4/21 od 23.06.2021. godine, izdata prethodna voda saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - o Situaciju projektnog rješenja za planirane radova čišćenja korita rijeke Spreče, razmjere 1:1000, sa pozicijom radova na čišćenju korita na području tri mjesne zajednice: MZ Miričina u dužini cca 3900m, MZ Donja Orahovica u dužini cca 1900m i MZ Donja Lohinja u dužini cca 1900 i 1500m. U projektnoj dokumentaciji je priložen uzdužni profil u razmjeri 1:100/1000 i poprečni profili u razmjeri 1:200;
 - o U sklopu Elaborata, obrađeno je rješenje čišćenja korita koje podrazumijeva sječu drveća i šiblja i formiranje proticajnog profila vodotoka koji se uklapa u prirodno stanje korita. Usvojena je trasa na način da je uklopljena u gabarite postojećeg korita uz minimalno narušavanje privatnih posjeda. Usvojen je tip normalnog profila za čišćenje korita rijeke Spreče, u cilju poboljšanja hidromorfoloških karakteristika korita. Kvalitetni materijal iz iskopa će se preslagati na obale rijeke Spreče radi zaštite plodnog poljoprivrednog zemljišta u blizini predmetne dionice. Rang zaštite od velikih voda nije definiran i cilj ovih zahvata je smanjenje opasnosti od poplava okolnog područja.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 81. stav (1) i članom 114. Zakona o vodama («Službene novine Federacije BiH» broj 70/06), valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Nihad Pezo, dipl.inž.građ.

Prilog:

Ovjeran „Elaborat o obezbjeđenju proticajnog profila korita rijeke Spreče u mjesnim zajednicama: Miričina, Donja Orahovica i Donja Lohinja, Grad Gračanica“, urađena od strane „Spreča“ d.d. Tuzla, mart 2021. godine.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- «Agencija za vodno područje rijeke Save», Sektor 30 (Prilog);
- ⊖ AVP Sava, ISV – Vodna knjiga
- Sektor 40, arhiva
- oglasna ploča AVP - Sava